

eunt, sui exemplo monet attendere. Sane in obitu et post obitum ejus, multa a multis visa narrantur, quæ gloriam ejus, quam pro meritis suis eum recepisse a Deo non dubitamus, attestantur. Quibus tamen scribendis laborem intrare nolimus, magis videlicet eligentes silentio nostro omnes qui dormiendo ea viderunt pares facere, quam ista scribendo, illa non scribeudo, unum alii quasi potiora

A viderit anteferre. Ut enim cuncta scribantur, infiniti negotii est. Aperta denique facta, quæ Deus per ipsum facere dignatus est, et nos talium nudi pro posse digessimus, puto sufficere ad notitiam retributionis et conversationis vitæ [al., retributionis vitæ] ejus. Sit itaque Deo Patri omnipotenti, et Filio, et sancto Spiritui laus et gratiarum actio, nunc et per omnia sæculorum sæcula. Amen.

## AD EADMERI LIBROS DE VITA S. ANSELMI SUPPLEMENTUM.

(WARTHON, *Anglia sacra*, tom. II, pag. 181.)

(44) Quædam autem quæ non per somnium accidisse elapso post obitum ejus non longo temporis spatio, sed in gravi discrimine constitutis per memoriam pii nominis ejus provenisse feruntur, vis amoris quo erga eum quidam meorum adhuc ardent, paucis me notare compellit.

[CAP. LXVI.] Arnulfus quidam nomine, filius comitis Rogeri de Monte Gummeri, et ipse comes, de Northmannia Angliam rediens, marini itineris medium prospero cursu peregerat; et ecce contra spem omnium in navi consistentium subito nebula nimix densitatis exurgit, supercrescit, quin et ventus omnis quo vehebantur, cadit, evanescit, deperit. Navis in medio pelagi nullum quo in ulteriora raperetur ventum habens, nec quæ in ea consistebat hominum multitudo præ densitate nebulæ quam teneret viam dignoscere valens, huc et illuc inter undarum cumulos navis nullum iter explicans fluctuabat; et consistens in ea tædio vehementi afflictæ virorum turba animo deficiebat. Mare siquidem eos per dies duos tali modo sibi haud grato obsequio vindicabat; et in diversa vota mentes illorum, quo a suo retinaculo solverentur, et ora concitabat. Tandem memoratus comes, memorandæ memoriæ Patris Anselmi recordatus, vota omnium rupit; et ut sibi paucis intenderent, brevi alloquio cunctos admonuit: « Omissis, ait, omnibus aliis, in causa præsentis convertamus cor et linguam nostram ad patrem et pontificem nostrum sanctum Anselmum, quem sæpe vidimus, cui adhæsimus, cujus sacra doctrina imbuti, et beata sumus benedictione sæpius perfuncti, implorantes notam nobis pietatem pectoris ejus quatenus sanctis meritis suis impetret a creatore nostro et omnium Domino Jesu Christo nobis in peccatorum remissionem, et hujus gravissimæ incommoditatis, quam pro eis juste patimur, celerem absolutionem. Assenserunt omnes admonitioni

(44) In editis duo hæc posteriora Vitæ S. Anselmi capitula desiderantur, quamvis ea in omnibus quæ vidi codicibus manuscriptis reperiantur, et ab Eadmero in prologo ad librum de miraculis S. Anselmi

B ejus. Magna Dei pietas, magna potentia. Necdum eam, quam statim ad verbum comitis cœperant, Dominicam Orationem perduxerant cum subito evanescente nebula, cœli seneritas tota redit, et litus ad quod primo festinarant non longe abesse læti conspiciunt. Gratias igitur Deo et fideli famulo ejus agentes, animi æquiores effecti, oppanso velo prosperrime sunt in portum desideratum evecti. Inde petentes curiam Henrici, regis Anglorum, cuncta quæ illis acciderant ordine supra digesto ipsi regi, præsentibus episcopis regni que primoribus, exposuerunt. Quod auditum multis multum placuit, non dubitantibus vitam ejus in mundo talem exstitisse, quod et hoc et multo majora debuerit a Deo mundo sublatus merito obtinuisse.

C Item monachus erat, Robertus nomine, assiduus in servitio Radulphi, Rosensis episcopi, cujus in superioribus habita memoria est. Hic per pontem Londoniæ eo fere tempore pergens, infortunio quodam subito percussus est ex casu equi qui manticam suam ferebat. Idem etenim equus minus caute per pontem hinc inde diruptum a famulo tractus in fluvium cecidit ubi major vis undarum et aquæ profunditas exstitit. Licet igitur nominatus trater, cujus hæc omnia erant, damno animalis et rerum quæ in mantica servabantur, contristatam aliquatenus mentem haberet, tamen quasi eorum omnium immemor, pro uno de libris beatæ memoriæ Patris Anselmi, qui inter alia inibi habebatur intrusus, valde erat sollicitus. Pergebat igitur per pontem quomodo poterat, pro libri custodia et restitutione ob merita illius qui eum fecerat Dominum orans; et equus in profunditate tumidi fluctus tendebat ad ripam forti conamine natans. Quid dicam? Utrique emenso itinere, iste pontis, ille fluminis, atrinsecus sese consecuti sunt. Mox deposita mantica et reserata, ut qua plena timebatur aqua excuteretur, re-  
D laudentur. Inibi enim Eadmerus dicit se de miraculis Arnulfi comitis et Roberti monachi in calce librorum De Vita S. Anselmi egisse. WARTHON.

periuntur omnia quæ intus erant præter unam solam lineam vestem ita ab humore vacua, quasi eadem mantica nunquam tincta fuisset in aqua. Reversus ad episcopum, rem gestam me præsentem retulit, et in laudem Dei audientium ora resoluit.

Hinc fini præsens opusculum subdidi; dum omnes id legere vel audire dignantes prius brevi comoneam quatenus nulla incredulitate ex iis quæ descripta sunt mentem vulnerent. Talibus enim in eis scribendis auctoribus usus sum in quorum relatione omnem falsitatis suspicionem procul abesse dubius non sum. Siquidem plurima quæ primi libri series continet, ex verbis ejusdem Patris Anselmi collegi. Solebat enim nonnunquam, ut homo jocunditate præstantissimus, inter alia dicta sua quasi ludens, quid puer, quid juvenis, quid ante susceptum monachi habitum, quid in ipso habitu positus, quid prior, quid abbas egerit, simplici sermone referre, autumans audientes eadem qua ferebantur intentione et perfunctorie illa suscipere. Ea vero quæ inter miracula in ipso libello computantur, quædam a Baldwino, quædam a Bosone, quædam a Riculfo, monachis Beccensibus, quorum me Eadmerum monachum Ecclesiæ Salvatoris Cantuariæ inibi meminisse recorder, accepi: quibus, sicut ipsi narabant, aut interfuere, aut in seipsis ea experti fuere, aut ab illis qui testati sunt se dum fierent præsentem fuisse, accepere. Quæ autem libro secundo notantur, pene omnia aut propriis oculis intuitus sum, aut auditu aurium sensi, aut alio aliquo modo, utpote qui ejus præsentia jugiter ex quo pontificatu functus est potius sum, per memetipsum Eadmerum addicere merui. Falsa vero scienter aliquem in sacris historiis scribere nefas esse pronuntio. Nam quoties ea vel leguntur, vel audiuntur, anima scriptoris occiditur, eo quod omnibus per ea quæ falso scripsit infando ore mentitur.

(45) [CAP. LXVII.] Præterea cum operi manum primo imposuissem et quæ in cera dictaveram, pergamenæ magna ex parte tradidissem quodam die ipse Pater Anselmus secretius me convenit, sciscitans quid dictarem, quid scriptitarem. Cui cum rem magis silentio tegere quam detegere maluissem, præcepit quatenus aut cœpto desisteris aliis intenderem, aut quæ scribebam sibi ostenderem. Ego autem qui jam in nonnullis quæ scripseram ejus ope fretus et emendatione fueram roboratus, libens parui, spe-

(45) Habetur in margine alterius codicis isthæc nota: *Eadmerus qui hunc librum h composuit, hic fi-*

rans eum insita sibi benevolentia quæ corrigenda correcturum, quæ aliter se habebant singula loco sibi competenti ordinaturum. Nec aut spes aut opinio mea fefellit me. Siquidem in ipso opusculo nonnulla eorrexerit, nonnulla subvertit, quædam mutavit, quædam probavit. Unde cum nonnihil corde lætarer, et quod edideram tanta ac tali auctoritate suffultum forte plus æquo penes memetipsum Eadmerum gloriarer post paucos correcti operis dies vocato mihi ad se pontifex ipse præcepit quatenus quaterniones in quibus ipsum opus conjeceram, penitus destruerem: indignum profecto sese judicans cujus laudem secutura posteritas ex litterarum monumentis præstii cujusvis haberet. Quod nimirum ægre tuli. Non audens tamen ipsi præcepto funditus inobediens esse nec opus, quod nullo labore compegeram, volens omnino perditum ire, notatis verbis ejus quaterniones ipsos destruxi, iis quibus scripti erant aliis quaternionibus primo inscriptis. Quod tamen factum meum inobedientiæ peccato forte non caret. Aliter enim impleri præceptum ejus ac illum intellexisse sciebam. Quapropter ab omnibus in quorum manus forte ista ceciderint, siquidem isthæc quidquam quod non omnino quantum ad fatuitatem narrationis displiceat, repererint, petitum iri sum: moperere postulo quatenus pro hoc et pro aliis peccatis meis dignentur intercedere, ne moles eorum me tantum deprimat ut ad illum cujus Vitam et actus qualicumque stilo digessi, pertingere posse non sinat. Nec enim animo elabi potest qualiter mihi responderit, cum quadam vice illum rogarem ut sicut in imis me consortem laboris habuerat, ita et in superis participem suæ retributionis efficeret. Ait nempe id se quidem libenter ac læte facturum, providerem solummodo ne in hoc nimii ponderis facerem. In quo si peccatorum meorum pondus justi judicis æquitas pietate remota appenderit profecto anima mea non sursum sed in profundum abyssi præceps ibit. Unde quemadmodum ego Eadmerus cœpi, adhuc quibus possum precibus insisto quatenus quam sibi impendi desiderant, mihi secum a Deo levamen et veniam delictorum obtineant ne nimiis me peccatis oneratum quo pollicitus est pius Pater sublevare non valeat. Quod sua clementia procul avertat qui super omnia Deus vivit, dominatur et regnat. Amen.

*nem ponit. Qui vidit, testimonium perhibuit. Et præcepto Radulphi pontificis perfectit.*

## MIRACULA S. ANSELMI

(Ex ms. reginæ Sueciæ eruit MABILLONIUS. Edidit D. MARTÈNE, *ampl. Collect.* t. VI, col. 933.)

Cum Patris Anselmi miracula plura ferantur,  
Quæ per eum Christus specialiter est operatus,

Res et apud paucos jam cognita vix habeatur,  
Ut pateat quanti meriti fuit iste beatus,

Quædam distinxit, quæ dignum scribere duxi,  
Subnectens operis prædicti materiei (46).

Vir fuit in pago Pontif qui jungitur Augo,  
Notus divitiis, sed marcidus ulcere carnis,  
Servis vallatus, sed lepra contaminatus,  
Actibus ipse bonis insistens quotidianis,  
Fletibus admistis, precibus cum multiplicatis  
Christum pulsabat, Dominum sic efflagitabat  
Quod super allisum dignetur flectere visum,  
Qui mundando cutem sibi conferat ipse salutem.  
At qui contritum cor respicit et sibi structum,  
Ipsius ægroti non defuit anxietati,  
Imo sibi mira subvenit et indice cura.  
In somnis igitur quadam sub nocte monetur,  
Quod si jam fieri sanus velit atque videri,  
Hinc bene securus surgat Beccum petiturus,  
Atque monasterii Patrem secretius oret,  
Omnibus ipse modis magis extorquere laboret,  
Quod dignetur aquas sibi conferre libendas,  
Abluit unde manus dum missæ concinit actus.  
Credulus hic monitis, et factus certior ipsis,  
Impiger ascendit illuc, sed et illico tendit.  
Indicat, Anselmo summatim suggerit almo  
Quæ sibi per visum fuerant ostensa supernum.  
Qui stupet ex verbis primoque repellit acerbis  
Vocibus, atque monet ne talibus ipse laboret,  
Non opus esse suum protestans quod petit ipsum,  
Imo beatorum qui præcessere virorum;  
Se peccatorem, procul his sed et inferiorem,  
Quique super tantis his audiri non mereatur  
Quippe suis culpis poscentibus impediatur.  
At magis in precibus perstabat homo miserandus.  
Altius ingeminans, quod ferret opem venerandus,  
Nec pateretur ea fraudari se medicina,  
Unde sibi celerem credebatur adesse medelam.  
Vir tandem Domini, clamoribus his stimulatus,  
Et super afflictum de more suo miseratus,  
Intrat in ecclesiam, precibus conscendit ad aram,  
Mane rogaturus pro cura corporis hujus,  
Vestibus atque sacris indutus, miles ut armis,  
Concelebrat missam, sed non sine fletibus ipsam.  
Astat et ægrotus, prosternitur in prece totus,  
Orans ex imis animi cordisque medullis,  
Jam sibi promissum compleri cœlitus ipsum.  
Atque mysteriis consummatis sacrosanctis  
(Mira relaturus sum, mira sed expositurus),  
Accipit e manibus abbatis aquas sitibundus,  
Queis degustatis devote, queis magis haustis,  
Mox optata salus membris infunditur ejus.  
Nam caro mundatur, nam spurca cutis reparatur,  
Et sic in laudem prærumpeus Omnipotentis,  
Non minus Anselmum tollebat vocibus altis.  
Quem compescebat vir sanctus, eumque monebat  
Ne sibi quid facti velit huic ascribere tanti,  
Imo Deo soli persolvat munia laudis,  
A quo procedit totius cura salutis.  
Talibus instructus, hinc et nimis exhilaratus,

(46) In ms. codice reginæ Sueciæ exstant hi versus ad calcem Vitæ S. Anselmi ab Eadmero con-

A Mundus et incolumis redit ad sua pelle novatus.

Tempore quo sanctus curam pastoris agebat,  
Et super Angligenas primatus jure cluebat,  
Pluribus ex causis in regni finibus ortis  
Præcipue regis Guillelmi, sed junioris  
Impete sævitia cerebri comitante mania,  
Ecclesias regni qua vexans diripiendo,  
Non erat ille Deum reverens hominesve furendo.  
Hæc per se quoniam sedare nequibat ad unguem,  
Exiit e dulci patria Romam petiturus,  
Consilium domini papæ super hoc habiturus,  
A quo suscipitur nimio præventus honore  
Urbis et a tota veneratur nobilitate.

Ejus in occursum pompose nam properabat,  
Præsulis ad tanti famam currens manicabat,  
B Tum quia semotis illuc de partibus orbis  
Venerat is sancti repetens suffragia Petri,  
Tum quia notus erat mirandæ religionis,  
Actibus hinc multo satis expertæ rationis.  
Ast ubi causa sui fuit adventus manifesta,  
Summo pontifici per eundem quippe relata,  
Ex tunc majorem sibi prætendebat honorem,  
Ut decuit tali personæ tam speciali.  
Nam retinens secum, sibimet facit esse secundum,  
Actibus in cunctis secretis et manifestis,  
Ipsius ad laudem quamplurima sæpe perorans,  
Nunc in privato, modo cœtu multiplicato,  
Sic ut multoties verecundaretur in iisdem.

Urbis vero situs, quia morbidus haudque salubris  
C Noscitur æstivo sub tempore, quin peregrinis,  
Ex domini papæ consensu consilioque  
Transiit ad villam quæ Scavia dicitur, in qua  
Sæpe quiescebat, corpus recreando fovebat.  
Hæc quoniam alti constat sita montis in ipso  
Sanior inde datur, clivique salubris habetur,  
Nec procul a muris Romanæ sistitur urbis.  
Quo Patris ad jussum remeabat et ipse frequenter,  
Grandia sed quoties tractabat et ipse patenter.  
Ipsius at montis homines penuria grandis  
Conficiebat aquæ jam temporis illud ad usque.  
Quod bene perpendens hujus custodia villæ,  
Insuper et vitam sanctus quam duxerat ille,  
Et quia plura suis precibus jam commoda multis  
Præstiterit Christus morborum tabe gravatis,

D Alloquitur sanctum, precibus circumvenit ipsum,  
Ut signare locum putei dignetur ibidem,  
Quod mage conveniens latici decreverit idem,  
Dicens velle suum fore, si jam forte valeret  
Id fieri, precibusque juvenem ferre placeret  
Quod non esset opus descendere vallis ad imum  
Gurgitis ad lymphas referendas montis in altum.  
Audiit Anselmus, tandemque precatibus ejus  
Annuit, et laudat quod disposuisse fatetur:  
Assumptisque sibi sociis, monachisque duobus,  
Exiit acturus fuerat quod sæpe rogatus.  
Sed mons sublimis erat arduus et nimis ipse,  
Desuper et rupes quo mons erat obsitus ipse;

scriptæ. Hinc conjicies horum etiam versuum auctorem fuisse prædictum Eadmerum.

Unde videbatur dementia summa probari  
 Quod quis ibi vellet puteum saltem meditari.  
 Attamen antistes, scripti non immemor exstans  
 Quod qui habens fidei quantum sit sperma sinapis,  
 Imperat hinc monti transferri, citoque movebit;  
 Ac tunc ipse fretus spe sicut erat bene suctus,  
 Inspiciendo locum, perlustrat strictius ipsum.  
 Tunc prece præmissa, quæ semper erat sibi prom-  
 [pta,  
 Atque genuflexo, crucis exhibitio quoque signo,  
 Ter feriens terram lapidi saxoque propinquam,  
 Jussit ut instarent operi puteumque pararent.  
 Non diffidentes, sed in ipso spem statucentes,  
 Qui populo quondam per desertum gradienti  
 Firma de petra produxit aquas sitiendi.  
 Perpaucis igitur transactis inde diebus,  
 Ex quo cœperunt in vertice scalpere montis,

A Fons e vestigio prorumpens cotis, et unda  
 Percutit astantes subito grandique stupore.  
 Hinc pro lætitia mentis cum laudis honore  
 Christum magnificant, sanctumque Dei repetitis  
 Vocibus acclamant, tum facti pro novitate  
 Muneris, et divi tam mira pro novitate.  
 Hoc et habetur ibi pro miro, nam patet omni  
 Cum mons procerus constet modiceque cavatus,  
 Fonte salubris aqua jugis et fit, et ipse repletus.  
 Nam febrientibus hæc in potum sumpta medetur,  
 Insuper et variis languoribus apta probatur.  
 Ad Domini laudem quod pertinet indubitanter  
 Talia qui populo dat dona suo miseranter.  
 Præsul et ipse quidem non expers laudis habetur,  
 Cujus amore Deus opus hoc patrasse videtur,  
 B Hinc Sclaviæ puteus patria vocitatur in omni  
 Præsulis Anselmi puteus de laude perenni.

## SANCTI ANSELMI VITA BREVIOR

*Ex manuscripto codice bibliothecæ Victorinæ.*

Anselmus ex Augusta Burgundiæ civitate ad Al-  
 pium radices posita oriundus, ac illustribus parenti-  
 bus, Gundulfo patre ac Hermenberga matre progna-  
 tus, et a pueritia ingenue liberaliterque institutus,  
 ad Beccense cœnobium, permotus Lanfranci fama,  
 discendique studio, venit. Ibi ætatis suæ anno vice-  
 simo septimo primum fit monachus, deinde Lanfranco  
 ad Cadomensem abbatiam præfecto, in Beccensi  
 prioratu successit: in quo ordine quindecim annis  
 stetit: Tum Erluino Beccensi abbate mortuo, An-  
 selmus abbas creatur; quem gradum quindecim  
 etiam annis gessit. Tandem ab Hugone Cestriæ  
 comite graviter ægotante, celebritate sui nominis  
 pervulgata, in Angliam accersitus venit, ut quædam  
 illius comitis negotia procuraret, et Cestrensis mona-  
 sterii cœtum, exclusis sacerdotibus, monachis com-  
 pleret. De quo cum Guillelmus Rufus accepisset,  
 eum Cantuariensem archiepiscopum nominavit.  
 Omnes enim archiepiscopatus proventus toto qua-  
 driennio rex perceperat, plurimasque Ecclesias ve-  
 nales habuerat, et triginta cœmeteria in ferarum  
 pascua redegerat, et ecclesiarum vacantium fructus  
 sibi reservaverat. Cujus lucri suavitatem, cum vel  
 prorsus amittendam, vel valde minuendam ex ar-  
 chiepiscopatus concessione senserat, pœnituit illum  
 illico hujus tam promptæ et propensæ in Anselmum  
 beneficentiæ. Itaque ut ejus animum a suscipiendo  
 oblato archiepiscopatu averteret, simulate primo  
 exposuit, etsi amore et meritis ejus ductus Cantua-  
 riensem archiepiscopatum contulisset, tamen se  
 jam cernere gravitatem et magnitudinem provinciæ  
 Cantuariensis majorem esse quam quæ ab homine  
 monasticis occupationibus, vigiliis, lucubrationibus-

que divinis dedito, perferri ac sustentari posset.  
 Sed cum neque hac suasionem quidquam profecisset,  
 proque certo comperisset proceres populumque An-  
 gliæ adversos aut minus fidos sibi, Anselmo favere  
 eumque ad archiepiscopi munus jam oblatum flagi-  
 tare, aperte contradicere noluit. Verumtamen ex-  
 cepit possessionem rerum ecclesiasticarum, quas  
 illo vacationis quadriennio fecerat, ut Anselmi quo-  
 que auctoritate et sententia ratæ essent. Ad quæ  
 Anselmus dixit illi nolle se Ecclesiæ nocere inquam  
 officii nihil contulisset. Itaque abbatiam Beccensem,  
 obtenta Rothomagensis episcopi licentia (in cujus  
 diœcesi fuit) deserens, archiepiscopus Cantuarien-  
 sis a Walchelino Wintoniensi tum episcopo con-  
 firmatur, fidelitatemque Rufo regi de more fecit.

Tum vero in ea sede locatus et constitutus, cœpit  
 regem liberius atque severius de tam inexplebili cu-  
 piditate et rapina bonorum ecclesiasticorum admone-  
 re, qua nihil possit esse certius quod tot cœmeteria  
 feris ipsis ob ruinam ecclesiarum compascua fecisset.  
 Sed cum suis precibus et exhortationibus, de regis  
 animo spem nullam concipere potuisset, veniam  
 petiit Romam eundi pro obtinendo ab Urbano papa  
 pallio. Qua sive petitione, sive nominatione turbatus  
 et accensus vehementer rex asseruit et acriter con-  
 tendit hoc Anselmum contra suæ fidelitatis promissæ  
 fœdus fecisse; fuisse enim a patre suo decretum  
 ne quisquam, qui a rege nuncupatus non esset, in  
 Angliæ regno papæ nomine censeretur, et qui secus  
 fecisset læsæ majestatis reum regisque inimicum,  
 quod regni consuetudinem violaret judicandum.  
 Hujus verorei veritatem Eadmerus his verbis descri-